

# 北洋官報

## 目錄

宮門抄  
交旨  
奏議○學部奏派充江蘇學務議長摺△又奏派充圖書局局長片△又奏派署督學局局長片△法部奏催報統計表摺摺△東督錫等奏揀員請補各摺摺  
公牘○學部札一件△又咨一件△理藩院札一件△商會稟一件  
文告五則△電報七則△新聞十二則  
彙編○浙江會議廳章程△俄國森彼得堡博覽會章程  
圖書○京師內城西偏街巷圖

本報今日加印照片一頁

本局第一百十九期政法學報已出

### 宮門抄

十月二十二日 農工商部 郵傳部 正藍旗值日 江西提學使湯壽潛請 訓並請假兩個月 陳壽

彭 魏聯奎由 西陵回京請 安 希期阿續假五日 召見軍機 湯壽潛 湯壽潛郵傳部

各遞封奏一件

### 交旨

十月二十二日 軍機大臣欽奉

諭旨郵傳部奏湖北賑糶米捐備還粵漢鐵路本息暨充鐵路經費請飭該省仍照原案支付一摺著度支部妥議具奏又奏請由部隨時前往各路察看一片著依議欽此

# 奏議錄要

## 學部奏派鄒福保充江蘇學務議長摺

奏爲續派江蘇學務公所議長恭摺仰祈 聖鑒事竊查奏定各省學務官制章程學務公所設議長一人由督撫咨明學部奏派歷經遵照辦理在案茲准江蘇巡撫咨稱蘇省學務公所議長王同愈現在回京供職所遺議長一席查有前翰林院侍講鄒福保品端學邃操潔才長應請接充蘇省學務公所議長等語臣等查議長一職參畫全省學務兼備督撫諮詢責任綦重該省紳士王同愈現既回京供職議長一差未便久懸該撫續選得人自應查照原咨遵章辦理擬請將在籍翰林院侍講鄒福保派充江蘇學務公所議長並請照章不扣資俸不停升轉銓選如蒙 俞允卽由臣部分咨欽遵辦理所有臣部續派江蘇學務公所議長緣由謹恭摺具陳伏乞 皇上聖鑒謹 奏宣統元年十月十九日奉 旨依議欽此

### 又奏派楊兆麟充圖書局局長片

再臣部編譯圖書局局長袁嘉穀蒙 恩署理浙江提學使所遺該局局長一差自應遴員接辦查臣部具奏分年籌備事宜圖書局本年應辦之事將次告竣其列在宣統二年應行籌備者如頒布高等小學教科書小學中學教授細目編輯中學堂教科書初級師範教科書女子小學教科書女子師範教科書編訂官話課本初級師範學堂教授細目均極繁重以後逐年籌備尤關緊要非得學識兼優深明教育之員殊難勝任茲查有調部行走圖書局副局長翰林院編修楊兆麟通敏精詳於編譯事宜尤爲諳熟堪以派充圖書局局長如蒙 俞允卽由臣等督飭妥慎經理以專責成謹附片具陳伏乞 聖鑒謹 奏宣統元年十月十九日奉 旨依議欽此

### 又奏蒯光典請假回籍彥憲督署督學局局長片

再據臣部丞參上行走督學局局長蒯光典呈稱自歐洲留學監督交卸回京所有衣物書籍概未隨身擬請假四

月回籍一俟明春解凍之後即當束裝北來赴差任事等情前來自應據呈代奏籲懇 天恩准予給假四個月所有督學局局長一差查有副局長學部員外郎彥慮才識開敏熟悉情形堪以暫行署理謹附片具陳伏乞 聖鑒謹 奏宣統元年十月十九日奉 旨知道了欽此

### 法部奏進呈上年統計表冊並請 飭催直省司法報告摺

奏爲進 呈光緒三十四年統計表冊並請 旨飭催直省司法報告恭摺仰祈 聖鑒事竊臣部上年六月十八日奏撰成第一次統計表並規畫司法統計大略一摺奉 旨依議欽此查第一次統計表自三十三年三月十七日臣部改併司所之日起至年底止草創規模備具綱領業於上年排印成冊通行各省在案本屆表式仍分部廳二綱凡經臣部奏咨議結者自秋 朝審暨京省新舊各案與夫援免減等矜留緩釋以及銷檔枷號監配逃故官紳革訊等報部有案者皆件繫條分各立專表冠以官制烏布附以監獄經費諸目爲部表二百七十有

四至京師高等以下審判廳凡三級總檢察廳以次凡四級屬於臣部所有民刑訴訟判決罪名等案羈禁人犯出入年齡罰金訟費以及檢察執行官役費用各端別纂廳表一百有九部表遵用律目以彰 昭代明罰勅法之精意廳表悉用東西各國司法統計規則以爲直省編立提法審判之綱維繕裝八冊都爲一函恭呈 御覽謹

奉 案司法統計各國皆設專科歲益精密總洪纖而計數考政教之隆污視統計與法權同爲重要臣部上年六月奏 奉 諭旨通行各督撫飭各州縣將已未結刑名詞訟各案按年詳報咨部迄今一歲有奇未據咨報到部伏

查本年閏二月二十七日臣部遵奏九年籌備事宜單開宣統二年請 簡放各省提法使及省城商埠各審判廳一律成立年期瞬屆似應預籌統計完全辦法以儲全國司法考鏡之基而爲中央統一權輿之地相應請

旨飭下各督撫除例應報部案件仍照舊章辦理外將臣部上年通行統計表冊飭各廳州縣仿照部廳各表式自宣統元年起承審管理獄訟刑案無論巨細分別刑民事監獄年齡等目列表咨部備纂其有已設審判各廳省分即飭各該廳迅將開庭以來審辦各案仿照臣部刊行各級廳表式編繕成表均限於宣統二年二月以內報告到部毋再稽延庶於司法籌備前途有所綜核恭候 命下卽由臣部咨行各督撫欽遵辦理除另繕表冊咨呈

憲政編查館外所有進 呈統計表冊並請飭催直省司法報告緣由理合恭摺具陳伏乞

皇上聖鑒訓示謹 奏宣統元年十月十一日奉

旨依議表留欽此

東三省總督錫良奉天巡撫程德全奏揀員請補昌圖府知府等缺摺

奏爲揀員請補知府州縣各缺以資治理恭摺仰祈 聖鑒事竊查奉天昌圖府知府查富瓊降補遺缺歸宣統

元年八月分截缺係繁疲難題調要缺例應由外揀補該府地居邊外蒙民雜處政務殷繁向係自理地面又管轄

一州三縣責任極爲重要非精明幹練之員難期勝任查有留奉補用知府程道元現年五十歲係廣東香山縣優

附生中式光緒癸巳 恩科本省鄉試舉人二十年以揀選知縣註冊二十七年勦辦廣西鬱林七匪案內保

准以知縣選用是年五月報効順直賑捐以知府指分廣西試用二十八年九月引 見二十九年到省歷署

梧州柳州鎮安泗城等府知府三十一年因案叅革投効奉天三十三年由期糧專案請獎銷去永不叙用字樣三

十四年因辦理交涉出力由前督臣徐世昌專案奏請開復原官免繳捐復銀兩九月十七日奉 硃批著照

所請該部知道欽此旋奏請留奉補用宣統元年正月初四日奉 硃批著照所請行等因欽此七月委署錦州

府知府措置裕如以之試署昌圖府要缺知府堪期勝任又復州知州吳瞻義升補法庫廳撫民同知遺缺歸宣統

元年七月分截缺係疲難中缺變通外補該州前經奏准移駐瓦房店逼近日本車站將來布置一切無因非創查

有准補錦縣知縣汝作枚現年四十歲係陝西富平縣增生中式光緒己丑 恩科本省鄉試舉人壬辰科會

試貢士 殿試三甲 朝考三等引 見以知縣歸部銓選期滿截取二十一年分發直隸引 見

到省因辦天津海運出力保准俟補缺後以直隸州知州用歷署新樂遷安撫甯縣事三十二年到奉三十四年留

奉補用歷署錦西廳通判康平縣知縣宣統元年七月由臣等奏准補授錦縣知縣現調署義州知州以之升補復

州知州堪期勝任雖該員准補錦縣缺後尙未到任茲請升補知州與例稍有未符惟人地實在相需是以請升又

承德縣知縣楊紹宗補授義州知州遺缺歸宣統元年七月分截缺係衝繁疲難題調要缺例應由外揀補該縣駐

紮省會兼辦鄉鎮巡警凡有措施他屬將引爲模範查有開通縣知縣忠林現年三十七歲係京都正紅旗滿洲隆

順佐領下附生中式光緒甲午科順天鄉試舉人以學習筆帖式由部註冊簽分刑部二十四年報捐直隸州州同

指分河南試用二十六年到奉投効二十七年加捐知州因錦州大凌河牧廠墾務出力保准仍以知州不論雙單

月儘先前選用二十九年由前將軍督臣增祺等奏請留奉補用七月十六日奉  
欽此三十一年二月引 見四月到省嗣在扎薩克圖蒙荒墾務案內出力保准補缺後以同知直隸州在任

候補委署開通縣知縣三十三年奏准借補是缺聲明仍照原銜以同知直隸州帶於知縣任內候補以之調補承  
德縣知縣堪期勝任又東平縣知縣張兆駿革職遺缺歸宣統元年八月分截缺係繁難題補要缺例應由外揀補  
該縣地屬圍荒榛蕪初闢民智未開端在地方官實力化導始克日臻上理查有留奉補用知縣華學凌現年三十  
二歲係直隸天津縣人由監生在巡警部奏署二等書記官續由民政部奏歸候補七品小京官三十三年咨調到  
奉三十四年四月由前督臣徐世昌等奏請改知縣留奉補用奉 硃批吏部知道欽此歷署民政司戶籍科

二等科員升署一等科員宣統元年改署警政科一等科員以之試署東平縣知縣堪期勝任又彰武縣知縣唐宗  
源革職遺缺歸宣統元年八月分截缺係繁疲難沿邊題調最要缺例應由外揀補查有留奉補用知縣趙炳燾現  
年五十歲係浙江山陰縣附貢生報捐縣丞雙月選用於台灣海防案內出力保准俟得缺後以知縣補用旋即到  
奉投効三十二年報捐以縣丞分發試用嗣於奉天籌濟善後賑撫案內出力保准免補縣丞以知縣分省補用三  
十四年由前督臣徐世昌等奏留奉天補用二月二十九日奉 硃批著照所請該部知道欽此歷署提法司

刑事民事各科二等科員又升署民事科一等科員以之試署彰武縣要缺知縣堪期勝任據民政使張元奇呈請  
具 奏前來臣等查該員程道元才具優長辦事穩練該員汝作枚守堅識定不憚勤勞該員忠林樸實勤能循良  
之選該員華學凌年強學裕明幹有為該員趙炳燾老成諳練辦事盡心合無仰懇 天恩俯念要缺需員准以  
留奉補用知府程道元試署昌圖府知府准補錦縣知縣汝作枚升補復州知州開通縣知縣忠林調補承德縣知  
縣留奉補用知縣華學凌趙炳燾試署東平彰武等縣知縣洵於地方有裨如蒙 俞允俟接准部覆再將程道

元汝作枚華學凌趙炳燾等應行赴引人員給咨送部引 見以符定制忠林一員仍請照原銜升轉藉免向隅  
其試署人員試署一年期滿果能稱職另請實授除咨部外所有揀員請補知府州縣各缺緣由理合恭摺具陳伏  
乞

皇上聖鑒訓示謹 奏宣統元年十月十一日奉 硃批吏部議奏欽此

## 公牘錄要

### 學部札飭直隸提學司頒發簡易識字課本先行試辦文

爲札行事查簡易識字課本經本部於上年奏明編爲三種其第一種課本約三千二百字三年畢業第二種課本約二千四百字二年畢業第三種課本約一千六百字一年畢業俟編輯成書先在京師地方教授數月如果士林稱便再行奏請頒行各省一體遵用等因通行各在案現在第一種課本第二種課本已經編成自應遵照奏案先在京師地方試驗除行知督學局設學試辦外因思此項課本爲國民教育之本源關係至爲重要本部期於通行無阻不厭求詳直隸密邇京師教育極爲發達且多深明教育理法之教員現正籌設簡易識字學塾堪以實行試驗茲先將兩種課本之第一本各檢八十部四十部札行提學司發給簡易識字學塾分別試驗教授其第一種授寒峻之家力不能入初等小學堂之子弟其第二種授年長失學之民人該司卽慎選教員尅日開辦由教員立日記簿一冊每教一課將教授方法如何學生是否領會以及此課文字是否淺深合度有應否增減改易之處切實註明每一星期學生進境何如詳細備載每逾七日報司一次並由司派委委員分往各塾體驗情形核明詳晰報部備考是爲至要相應札行該司遵照辦理可也此札

### 學部咨京師督學局頒發簡易識字課本先行試辦文

爲咨行事查簡易識字課本經本部於上年奏明編爲三種其第一種課本約三千二百字三年畢業第二種課本約二千四百字二年畢業第三種課本約一千六百字一年畢業俟編輯成書先在京師地方教授數月如果士林稱便再行奏請頒行各省一體遵用等因通行各在案現在第一種課本第二種課本已經編成自應遵照奏案先在京師地方試驗教授應由督學局按照兩種課本程度設立簡易識字學塾數所分爲兩種辦法一收取寒峻之家力不能入初等小學堂之子弟一招募年長失學之民人或分辦或合辦由局酌定均應選擇深明教育理法之教員以此項課本分別試驗教授由教員自立日記簿一冊每教一課將教授方法如何學生是否領會以及此課文字是否淺深合度有應否增減改易之處切實註明每一星期學生進境何如詳細備載每逾七日報局一次并由局派員會同圖書局原編此項課本之員隨時前往悉心體驗情形核明詳晰報部備考不得含糊了事所有

半日學堂亦可一律頒發試辦此項課本爲國民教育之本源關係至爲重大本部期於通行無阻不厭求詳茲先將第一種第一冊課本八十部第二種第一冊課本八十部咨行貴局希即妥速籌辦并將辦理情形詳細報部可也須至咨者

理藩部札行錫林郭勒盟長所屬各官員應照禁煙章程取結造冊送部文

欽命總理

爲札行事據錫林郭勒盟長阿巴噶扎薩克郡王揚桑等呈報准察哈爾都統札開准理藩部咨准禁煙事務大臣咨稱查禁煙爲自強要政內外蒙古均應一律查禁將表式章程咨送轉飭各盟長奉札後即傳札各旗茲據本盟十旗各將旗內並無吸食鴉片官員聲明呈報造冊彙總送部轉咨等因前來查前准禁煙大臣咨稱禁煙爲自強之要政內外蒙古均應一律查禁爲此咨送原奏章程表式希即轉行內外蒙古各盟長查明各王公台吉等遵依表式切實填註除王公等按表式填註勿庸取具切結外其餘所屬各員均須取具同官切結並銜名清冊迅速彙齊咨送到所以備查驗等因當經本部通行各路將軍大臣轉飭所屬各該盟旗一體遵照辦理在案今據該盟長報稱所屬十旗王公等以及蒙旗官員均無吸食鴉片之員彙總造冊送部並未將甘結送部冊內亦無銜名本部碍難轉咨相應札行該盟長遵照禁煙大臣所咨除該盟內親王郡王貝勒貝子公扎薩克台吉等按表式填註勿庸取具切結其餘協理台吉管旗章京副章京叅領佐領驍騎校等官以及台吉等均應取具同官切實保結造具官銜花名清冊同保結一併送部以憑轉咨勿得含混草率致干未便可也

天津商會稟 護督憲請酌核津浦鐵路北段車站事宜文

敬稟者竊據津郡全體商民等陳稱竊津浦路站商等前曾聯名具稟懇請設立趙家場在案查趙家場地方附近沿河市場係屬水旱道路交通之處起卸商貨轉運得宜頃聞該站有改設堤頭之說商等聞之不勝駭異查堤頭地方相距城市五里之遙兼與河道鮮通運貨殊有未便諸多窒礙莫可言宣仍懇代請在趙家場安設車站若實不能遷就即可旁修支路另設貨站以體商情而便商運再者所有軌道渡河若不修建活橋則水勢之漲落不時船桅之長短不一往來運貨定遭阻碍之虞爲此不得不叩求貴會老翁恩准轉詳實爲公便上稟等情查津浦鐵路之設原期商業貫通振興市廛起見天津市廛舊城北門外爲蒼萃之區全境精華皆繫於此前以總車站未定

奉 前督辦大臣呂飭由職會同議事會勸明趙家場地方與商市氣脈相聯且在西河與海兩流之間貨物運輸水陸皆便稟復 前督辦大臣查核在案今蒙 鈞札奉 督辦大臣徐 幫辦大臣沈 奏定津浦鐵路車站設在堤頭地方行經職會宣布各商民知照茲據前情核議堤頭車站之設距市較遠商販運貨往返維艱確係實情我 憲台如已經奏奉 諭旨未便更改請於堤頭正路之外旁修支路趙家場為起卸貨站以體商情而便交通至鐵路渡河橋梁前因擬修死橋迭據各商民稟奉 前督憲飭由天津府照會職會核議亦經查明窒碍移復轉稟請改活橋今仍懇 憲恩俯准將津浦鐵路橋梁飭局統按活橋修築以利轉運所有擬議緣由理合稟請 憲台查核批示祇遵實為公便肅此丹稟恭叩 崇安伏乞 垂鑒

### 文告錄要

督憲批示錄要○運司詳據綱總商人楊俊元等稟售鹽均收滿錢飭查屬實請查核批示以便飭遵由 批據詳已悉鹽商售賣鹽斤既經由司委員查明向收滿錢非格外索底自應仍照向章辦理所有曲陽等州縣官紳擬請提充自治經費之處均毋庸議希即查照通飭示諭遵照此覆○運司兼緝私局詳順天緝私分局委員宋丞衡鈞另候差委改派劉大使道南接辦請核咨由 批如詳派委候咨 順天府尹分行各屬知照並候咨呈 民政部轉飭內外城兩廳查照此覆

藩台批示○藁城縣文生胡廷佐呈 批爾前充村正時經管警學各項公費如果毫無情弊該縣何致信一面空言勒爾告退並責令爾認罰所呈顯見別有隱情應不准理

南洋勸業直隸出品展覽進行會開幕廣告○啟者本協會前擬十一月朔開會展覽因學會處考職地址不能騰讓當經議定展緩改於十一月初七日午刻十二鐘在河北公園勸工陳列所及學會處兩處開辦展覽進行會嗣因學會處考職日期於本月二十七日即可考竣因又改回於十一月初一日開辦所有陳列所內專設非售品以備明春運赴南洋比賽其學會處一區專備各工商陳設售品以備游人隨意購取如有擬在本會場內銷售中國貨物以及各項貿易者儘可於會期前五日到公園內出品協會事務所掛號由本會預備地址屆期開幕售賣特此佈告 河北公園內直隸出品協會謹啓

保定工巡總局批示○警人尤立全等具稟一案 批爾等所唱果係忠孝節義故事並非淫詞豔曲應准如稟辦理以卹殘廢但風化攸關祇許男子入館彈唱其警目婦女不得隨同混入倘敢故違仍當隨時嚴禁著即查照遵守此批○福仙茶園商民劉希文具稟一案 批果有無知匪人藉端滋事不妨鳴知該處崗警就近往拿送局究辦毋庸請示彈壓以省文牘此批

附錄天津官事○護督憲札委王太史孝綱辦理本轄文案事宜已於前日赴院謝委○新授清河道段觀察書雲稟辭赴任

## 電報錄要

路透電○英國議院會議展緩至禮拜五日首相阿司奎斯氏對於改訂稅章問題并未置議所有稅務仍照現時定章徵收英國茶會聲稱無論此次選舉結果如何茶稅仍照五本土辦理稅關允許於未定議之時仍照現章徵收并催促茶商照常納稅貿易

又電○英相阿司奎斯氏在下議院聲稱英皇甚願解散議院日昨所議之辦法贊成者三百四十九人反對者一百三十四人下議院各議員均極滿意此次上議院實係侵奪下議院之權若自由黨得復權力第一問題必議稅務現在國家須籌利用之辦法并望將一切虛費減少因財政甚為拮据也當阿氏演說時中國考查大臣亦列坐其次英國銀行提議擬撥出的款四萬五千鎊以為公積之基礎

又電○義大利內閣各員辭職於選舉委員時財政改良之表式被駁

又電○中國考查海軍大臣日昨由布萊茂斯港乘船回倫敦英員與中國官員均升旂歡迎

柏林電○義國外部大臣阿蘭沙爾男爵偕同隨員往德國會晤德首相

又電○波斯政府因波國南部盜賊攻擊俄領事問題特致書於俄政府以表抱歉之意并允從嚴懲治該盜賊等

又電○達賴喇嘛遣派之員現到俄京覲見俄皇

又電○德國議員司盤氏被選為議院副議長以代自由黨巴西氏之任在自由黨均不承認

## 新政紀聞

政治

咨覆考試舉貢辦法○吏部前咨各省以考試舉貢及生員考職兩事自應接續辦理以副 朝廷慎重人才寬予出路之至意惟查保送舉貢一案前屆二十三年分各督撫辦理每多違玩或則逾出原額或則已有官階與有學堂獎勵者均經電咨回自應申明定章酌核情形釐定辦法俾資遵守而昭慎重著於舉行考選優拔後即接續辦理生員考職再行考試保送舉貢至考取舉貢辦法現擬定仿照光緒二十四年戊戌科會試欽定中額再加三倍爲斷凡保送人員於算學地理財政兵事交涉鐵路警察法政等但有一長皆可保送云各省當即檄行提學司迅行通飭各屬一體查照並有咨覆到部矣

西郊自治之效果○京師西郊自治局開辦已有一年頗有功效現擬遴選演說員分赴所屬各處宣講以資開通風氣

學務

附設簡易學塾招生○保定九聖庵官立第二兩等小學堂附設夜班簡易識字學塾茲發出招生白話廣告云每晚兩點鐘功課只教識字珠算二門一不用花錢二不用耽誤工夫不過晚上少說些閒話兒就可以了日後又會寫又會算或在家度日或在外就事居然成個有知識的人你說便宜不便宜呢有那年長失學的或家貧的兒童白天無工夫上學的偷晚上歇息的空兒前來學學亦是一生的快樂事若再不上學可真成了個馱子了你們仔細想想快來報名上學罷

教育出品會議紀略○蘇垣教育出品會於初九日開預備會議首府三首縣暨各校監督教習校長等均於是日蒞會與議當經宣佈設立研究会之原因嗣遂公議決定會章十二條內分出品幹事一人書記會計庶務各一人調查十二人所有運送經理裝置陳列四項經費均由學務公所官立學堂學款處撥款捐助至公立私立學堂能捐助者聽現定每星期日爲常會至出品分普通特別兩種並分歷史地理音樂體育理科農學等十四部設事務所於府中學堂內並於十月十五日開教育研究成立會議

軍政

陸軍專科大學辦法○陸軍專科大學已由 陸軍部通咨各省考選合格軍官保送肄業聞一切辦法已由 陸軍部及 北洋大臣核訂凡資格學術均加陸軍中學一級年齡及修業見習學期與陸軍相等另訂詳細章程二十四條學科分步兵兵騎兵砲兵及工程輜重等科飛艇專科暫從緩辦由 北洋大臣就近管理陸軍部軍諮處均有隨時稽查之責云

嚴飭各防營協緝盜賊○皖撫朱中丞以皖省綠營兵丁屢經裁減額數無多各處原有汛防已同虛設全賴巡防兵隊分區填紮協同地方官實力巡緝是彈壓地面巡緝盜賊本防營之專責無可推辭前經明定緝捕賞罰章程分行遵照在案乃近閱各屬稟報搶劫案件層見迭出犯多未獲其由防營獲送者更屬寥寥是各營但有巡緝之名並無訐奸之實虛張旗鼓何補地方在各營如此膜視殆以爲無關考成轉瞬交冬防務尤爲吃緊亟應重申舊章嚴行整頓以飭捕務而安閭閻特通飭各防營嗣後各營派防處所凡遇搶劫案件一經地方官知會立即馳往會勘一面派勇會同捕役認真追捕如能即日破獲者按照原定章程給銀獎賞儻延遲不能破獲者該營統領管帶哨弁分別記過降革案情較重者隨案批飭辦理如統領管帶駐紮處所距失事地面防軍較遠者亦當隨時酌量核辦以昭平允至各屬稟報搶劫案件務將失事處所距各營哨駐防里數及員弁銜名於稟內詳細聲叙以憑核辦其應會哨者即由地方官酌定日期移文防營會同巡哨不得藉詞延諉俾戡匪蹤

民事

禁種罌粟之獎勵○禁煙大臣以禁種罌粟一事前河南山東山西江蘇安徽等省均定於年內一律盡絕在案擬即通飭各該省督撫再行詳細勘查是否實行盡絕及有無別項情節據實覆報以便由度支民政兩部派員覆查後奏請酌定各省任事人員之獎勵以資觀感云

嚴禁販米出洋文告○江督張制軍近因大江南北新穀登場米價異常昂貴皆由奸商屯積居奇私運出口所致因之咨會蘇撫照章嚴申禁令其文曰照得大江南北本屬產米之區乃近來米價日昂民生艱窘雖江北一帶間有偏災收成不免歉薄而實由奸商牟利私運出洋所致訪聞糧行販戶往往互相勾結或設棧包運或置船走私每以對渡爲名潛從港汊出口而長江水師各汛砲船與吳淞各局巡船又復與之勾通得賄賣放故此輩

愈無忌憚深堪痛恨若不嚴行查禁何以重民食而杜漏卮除會蘇撫通飭地方文武及關釐局卡委員嚴密查拿外合亟出示曉諭仰闔省商民弁勇諸色人等知悉須知食爲民天關係至重私運糧米出洋例禁綦嚴無論何人不得干犯其水師砲船與各局巡船弁勇均屬在官人役尤當認真緝拿斷不容得賄故縱自此諭禁之後倘敢陽奉陰違仍蹈故轍定將私販之奸商及故縱之弁勇分別嚴拿提案從重懲辦決不姑寬各該軍民若能緝獲大幫私運米糧除照章五成充賞外並酌量加提成數發給以示鼓勵至內地米穀仍貴流通如此鄉運往彼鄉此縣運往彼縣接濟鄰境並非出洋者不在禁止之例弁兵勇役亦不得誤會妄拿及藉端需索致干嚴究云云

公益會函陳舖戶招牌事○上海地方公益研究會董致上海縣田大令函云敬啓者城內各街道自翻砌加高後所有各店鋪招牌有碍行人茲敝會於九月二十八日集議擬以招牌掛高離地木尺八尺爲率如房屋低矮者設法掛進以便行人爲具公函仰懇俯准出示曉諭飭甲勸諭城內各店鋪一律遵照至級公誼除函致巡警局外專此肅泐恭請勛安惟希察照云云

路 礦

諮議局提議煙灘路辦法○山東諮議局日前提議煙灘鐵路辦法決定七條呈請孫中丞核示中丞以所擬辦法七條大致尙妥三段各籌款項係爲分擔責任起見惟事關公益仍應規畫全局合力通籌俾收衆擎之效不必預分畛域轉多窒碍至路線所經尤應一律先行勘定再事修築首尾相應觀成較速若俟甲段興工續勘乙段枝節爲之亦屬不合特飭諮議局再將丙丁兩節悉心酌改一面臚舉公正殷實紳商呈候札行來省組織公司妥議招股辦路章程再行公舉全路總理並延訂工程師勘測全線繪具圖說呈候核奪以憑咨部立案

紀青龍澗煤礦之佳○仇志遠觀察吳士英明府接辦宛平縣青龍澗煤礦已到申分設公司專運機器物料等件茲悉觀察又接得總理黃學士報告云刻由礦師霍德克勘驗此礦確憑查得礦苗一十二山圍山山皆善煤厚丈餘苗脉遠長有數十里及百餘里不等似此礦產世誠罕觀云

派員照料黃河橋工○津浦鐵路大臣以黃河橋工關係重大時有與山東河工會商辦理事件特派東境購買石料事宜張道泰標駐工照料以資接洽現已咨請魯撫查照矣

## 第二章 組織

第五條 本會議廳議長一員由巡撫任之議員以左列規定爲限

一 現在任司道駐省城者

二 現充省城各局所總會辦參議提調及與同等之差者(另則詳訂)

三 不論官級大小由巡撫選任及由現任司道推舉照第六條之規定者

第六條 議員由巡撫選任者以六人爲限由現任司道推舉者以一人爲限其不在省城之現任分巡道亦不得

就現駐省城之人員中各推舉一人均由巡撫認可後委派

第七條 議員任期爲久任但遇有各項事故由巡撫命令使其退職者照額另予選充

## 第三章 職務權務

第八條 本會議廳凡本省一切政治皆得會議其議決可行事件應由巡撫酌核施行

第九條 本會議廳議長有召集議員命令開會閉會解散及提議議案之權並指揮職員分任事務所保持會場

## 秩序

第十條 本會議廳議員有主管事務者得就其本管或與關係之事務提出議案無主管事務者得上意見書於

議長核定可否提出議案其在會場各議員皆有發言及表決之權

第十一條 諮議局對於本會議廳議決事件有質問時本會議廳應詳具說明書以備巡撫採擇批答

第十二條 本會議廳會議事件有關係旗務者應由巡撫咨商將軍都統派員到會陳述意見

第十三條 本會議廳會議事件有須徵集地方紳士意見者得查照諮議局章程第十二條規定招集諮議局常

駐議員以備詢考或照奏定各省官制通則第六條規定酌擇公正鄉紳與議

第十四條 凡本省現任知縣鹽大使以上之地方官統領以下管帶以上之軍官並各局所科員以上之人員不

列爲議員者對於本會議廳均得隨時就所任職務上意見書應由議長核定可否提出議案

## 第四章 會議

第十五條 本會議廳分爲通常會臨時會通常會每兩月一次臨時會由巡撫臨時召集之

第十六條 本會議廳通常會凡提議議案皆由巡撫於開會前五日通知各議員

第十七條 每議案皆以到會議員過半數之同意爲表決如可否同數時則取決於議長

第十八條 會議時不須旁聽但有議長特別命令不在此限

第十九條 會議事務除本章已有規定外另訂議會詳細規則以資遵守

#### 第五章 議案規定

第二十條 凡議長提議事件皆於先期由議長就議員中指派六人或至八人爲臨時編制員以任審核編定議

案之事備議長核定提議

第二十一條 有管主事務之議員其應行提議之案得先期自行編定經議長閱核後始行提出

第二十二條 已經議決之議案及議事原委除應行秘密在外得由臨時編制員加以修訂登之官報並每年將

全部議事錄彙刊一次分頒全省以廣周知而爲討論政治之資助

#### 第六章 事務所

第二十三條 本會議廳設事務所承議長之命令辦理會中一切事務

第二十四條 事務所得設庶務一員辦理一切庶務事宜書記三員掌繕錄等事皆由巡撫酌派

第二十五條 凡議應行印刷以先期分布及彙刊議事錄並保存一切文件事皆由事務所任之

#### 第七章 附則


第二十六條 本章程自宣布之日起爲施行之期如有應行增刪改定之處經會議廳議定由巡撫宣布施行

俄國一千九百九年森彼得堡萬國新發明品博覽會章程（錄商務官報駐俄國商務委員許同范報告）

第一條 此章程係續補萬國新發明品博覽會章程第十二條之闕漏各創造家發明物品送會陳列均准歸入

品題會以供品評比較

第二條 如入會主不願以貨物歸品題會應行聲明或於開會之先致函會長



京 師 內 城 西 偏 街 巷 圖

# 止咳健身

廣東韶州府三江學堂董事函謝韋廉士大醫生紅色補丸之功效  
 韋廉士大醫生紅色補丸所以能治胸膈飽悶癆病初發哮喘咳嗽氣管發炎等症者以其所生稠濃鮮紅之新血能使肺部復生新力以助其祛除膈胸致疾之軀弱而得身安痊康強有力也韶州三江學堂之董事陳君咸熙云○余去秋曾患熱病以致身體不勝軀弱後又感冒風寒停積胸部咳嗽痰吐勢甚劇烈晝夜纏綿不得安寧身乏肌肉狀類骷髏醫士勸余出外遊歷可使復原於是束裝就道即赴廣東更換水土或得少愈執意既至彼都病體依然如故後訪友人於廣東著名之普華大藥房並詢其有何良藥可療余疾蓋彼固熟諳藥理者也乃承其相告曰按汝病狀莫妙於服韋廉士大醫生紅色補丸且謂是丸之功曾親嘗試之大有奇驗云云余遂因其言購試一瓶尙未服罄即有轉機爰接連服之覺每瓶每見功效所耗肌肉日漸復原自從韋廉士大醫生紅色補丸治愈之後於今已有日矣不第咳嗽全消抑且筋絡強健食量增進精神充足爲人舒暢興趣盎然今歲身軀未見雄壯而精力殊甚康健夫精力康健豈非人生最要之端哉○夫聰明之製藥師所以勸陳君咸熙服韋廉士大醫生紅色補丸者蓋彼深知其所需者即一種補血之要藥使其血稠濃鮮紅也血既稠紅則其人必康強有力而全體重生一新

廣東 韶州 三江 學堂 董事 陳君 咸熙 玉照



其後於今已有日矣不第咳嗽全消抑且筋絡強健食量增進精神充足爲人舒暢興趣盎然今歲身軀未見雄壯而精力殊甚康健夫精力康健豈非人生最要之端哉○夫聰明之製藥師所以勸陳君咸熙服韋廉士大醫生紅色補丸者蓋彼深知其所需者即一種補血之要藥使其血稠濃鮮紅也血既稠紅則其人必康強有力而全體重生一新

矣韋廉士大醫生紅色補丸常以是法醫治各病故可明證是丸誠爲由血不潔或腦筋失調所起各症之良方就其所治之症即如 血薄氣虧 腦筋衰弱 少年斲喪 陽萎不舉 肝經各病 胃不消化 頭痛頭暈 風溼骨痛 腎軟痠痛 左癱右瘓 腳氣衝心 山林瘴氣 乾溼癬癩 皮膚燥裂 經水不調 以及幼女壯婦所患各症是也 中國各處商店藥局凡經售西藥之處均有出售或直向上海九江路B字第八號 韋廉士醫生藥局中國總發行處購買亦可 價銀每六瓶鷹洋八元每一瓶鷹洋一元五角 遠近郵費一律不取

上海九江路B字第八號韋廉士醫生藥局啟

新 啟  
告廣司公限有灰洋



啓者本公司係承受唐山洋灰公司老廠另購外洋最新式機器旋窩等創設  
新廠自丁未臘月新廠開機以來出貨加增行銷愈廣灰質經本廠西洋化驗  
師悉心研究精益求精會寄由德國國家栢林及日本關東都督府各化驗所  
驗得動力堅力及凝結時刻灰之粗細均合要工所用其成色與外洋最高之  
貨相等尚有機器製造之缸磚花磚洋灰瓦水溝管礮子土等項無論躉零交  
易均可本公司總理處設在天津海大道英租界並在 北京奉天大連烟台牛  
莊青島上海漢口南京鎮江各埠均設有經售處如蒙 賜訂大批價值從廉  
交貨不悞期限所有洋灰及各種磚瓦等件重量式樣大槪用法另刊有華洋  
文廣告 光顧諸君請向本公司索閱面議一切可也

總律風一千三百零九號

得利文洋

大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本行主人啓

本行開設天津上海香港志呢華海參崴等處均設立有年諸班貨物由外洋本機器廠自造  
蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表鍊金鑽珠寶  
鑽石戒指留耳墜鐲子表墜大小八音盒並留聲話匣單雙桶千星眼錶蘭磨花穿衣鏡妝梳洋鏡

瑞林祥元記

本號開設北京前門外鮮魚口天津估依街中間路北山東濟南府院西路北自置綢  
緞紗羅顧繡絨疋疋各色喇哩厚呢京廣什貨俱全貨高價廉劃一不二後廳內專售  
線貨織絨袍料衣包被套口袋線毯毛毯零賣均照行價發兌中外 紳商賜顧移玉是幸  
瑞林祥元記具

武齋洋行

本行開設天津 於茲二十餘年 自運各種洋貨 絨紗布匹綢緞 繡花屏風鏡額  
磁銅料器珠藍 奇巧美術玩器 學界文房用品 旋行携帶等件 精工變身物料  
定織各色蓆氈 現又擴充樓房 極其寬闊高大 如蒙官商光顧 價值格外從廉  
本行隨便入覽 電話一千三百七十四號 天津法租界 武齋洋行謹啓

# 天津商務總會代收甘省旱災賑款數目及各善士芳名第五次報告

禪臣行賬房 德義行賬房 瑞記行賬房 怡和行賬房 高林行賬房 魯麟行賬房 天長仁行賬房 成  
記行賬房 聚立行賬房 永興行賬房 慶達行賬房 隆昌行賬房 美最時賬房 捷成行賬房 瑞興成  
賬房 克立行賬房 新世昌行賬房 瑞豐行賬房 德隆行賬房 美昌行賬房 仁記行賬房各助洋二十  
元 仁和行賬房 泰來行賬房 平和行賬房各助洋十元 明義行賬房 無名氏 無力子各助洋五元  
董正齋一百元 裕德店五百元 韓家聖村正副交馬瑗十元 袁正卿三元 高有成 楊國俊 馬寶柱各  
助洋二元 劉紹文 孫義生 劉樞垣 楊國啓 楊福泉 盧金玉 王文鳳 馬炳各助洋一元 馬煥  
復昌合 王文藻各助五角 馬塔四角 馬瓏六十三枚 馬寶賢 宋春元六十二枚 王恩發六十枚 慶  
益成 王福勝各助五十五枚 徐慶禹 田和 田福 楊富祥 樊桂升 馬勝雲 劉豆腐各助五十枚  
三順合四十四枚 盡心氏五元 周恩榮三十五枚 蒯鱸居士二百元 英斂之先生交臧守義令祖母逝世  
收奠禮洋助賑五元 張彩山 張翼州代募 張彩山 張翼州各助十元 賈緒東 丁筱圃 郭聘卿  
張玉生 張福盛 陳竹孫 趙星橋 傅洪泰 閻盡臣 張鑾 柴幼林 李雲峰 寶趾周 李鳳來 吳  
鐵山 吳彩三 曹槐三 王占元 王慶祥 郭順各助洋一元 沈華滬五元 張文治二元 醫學慈善交  
李二聘君醫河東馮少洲症二元 五餘堂五角 沈子階 沈張氏各助五十元 杜五橋交無名氏二元 劉  
子衡二元 英斂之先生代交趙老爺十五枚 賈老爺一元 趙笙甫三元 隱名氏 王氏 李氏各助洋五  
元 林氏 朱氏 黃氏各助洋十元 鬪雨山五十元 無名氏二角 韓賀臣因三女病痊愿助五元 又爲  
小兒錦田求讀書上進一元 山東濟南府德源泰銀號溫贊臣十元 天津造胰公司賣胰半價二百六十三元  
八角七分 尋點氏三元 尹碩甫二元 閻濶齋 何明生各助一元 胡懋廷 梁寶珍 聶慎言 辛秀山  
高孝臣 董雨三各助銀五錢 以上統共助大洋二千五百九十七元八角七分小洋三十二元六角銅元八百  
二十一枚公砵化寶三兩

天津救急善會具

商務印書館出版各書上海總發行所

分館

發售

欽定大清會典事例全書 會典 版式大小謹遵 商務印書館恭印

是書前由敝館承印伏讀外務部進呈原奏有印造尙屬精工等語查王公京外大臣得蒙頒賜是書者僅一百三十八部敝館曾於去年縮印發售旬月間已疊再版顧海內宏達深以未見原書爲憾且原書有圖十二函亦以過於精細未能縮印致付闕如茲特再行攝影一切版式圖畫悉如原書刻已印成樣本欲閱者函示即寄○一全書四百九十四冊分裝八十二函計會典六函事例六十四函圖志函○一定額二百部售完不再印○一定價規銀四百兩預約者減爲二百五十兩○一預約以本年九月底爲限先付規銀五十兩○一本年內先出會典六函圖十二函宣統二年四月續出事例六十四函全書告竣○一遠地郵費運費概照實計○一詳細章程具載樣本中○一發售預約券處在上海本館總發行所各省分館

新譯日本議會紀事全編出版

陽湖孟森校訂無錫蔡文森侯官王我臧輯譯 是書自日本開國會始至今今年止凡二十五期 其初羌無故事朝野皆奉一憲政爲準繩爲國

爲民政府與議員各盡其道中間財政之抗爭 法律之改訂或以爭執爲攻錯或以和衷爲救濟政府之待遇議會與議會之對付政府皆新立議會者必 經之層折吾國現狀與此適合不但行政官與議員急宜人手一編以資觸發無論何人皆宜循覽庶知人 民參政之實際全書分訂四冊定價一元五角茲因諮議局不日開辦趕將前二冊先行出版後二冊七月 出版預定者實價一元收到書價後即交前二冊並付收條俟後二冊出版時憑條取書特此預告外埠郵 費照加

天津分館開設 河北大胡同 電話五百二十六號



天津商務印書館新書出版

# 十月初二日至初十日代收甘肅賑捐第五期報告清單

張蔚西十元 一本堂一元 好施堂四角 墨妙齋一元 姚少葉十元 任季棠一元 關心寶一元 意記一元 孫瑞安二元 長生四角 陳念新二元 竹仙四角 翔生一元 汪太太一元 藝蓀四角 凌萬鍾一元 吳藹辰四元 陸濟秀一元 鄧和甫一元 倚劍生一元 連警齋一元 孫德安一元 湯昌國一元 吳在一元 王熙令一元 白雅雨一元 汪大椿一元 俞大本堂十元 (以上二百二十三號共洋五十六元六角) 源通酒店一元 天生厚一元 恒豐和一元 永和裕一元 和盛源一元 永豐玉棧一元 萬太昌一元 福升太一元 同興號一元 同源湧一元 永豐太棧一元 義勝和一元 鼎興潤一元 王福源一元 輔盛號一元 湧興號一元 厚記一元 義慶永元記一元 恒合號一元 德茂永一元 恒合西棧一元 永豐玉一元 同豐湧一元 恒源號一元 永豐太一元 源盛酒店一元 裕慶永一元 義豐永一元 (以上七百零六號共洋二十八元) 宋樾五元 邵孔亮二元 袁書清二元 牛照荃一元 李文吉二元 劉觀龍二元 翟肇廷一元 伍鈞二元 王瑾二元 惲福華二元 王祝三二元 何維彬二元 朱學軾二元 吳懋卿一元 張學禮一元 楊大芳二元 楊廷選二元 胡獻琳二元 裴景宋二元 張敬效二元 周寶辰二元 吳習禮一元 羅志濤二元 (以上二百二十四號共洋四十四元) 蔚仲三五角 劉杏村一元 馮子祥一角 東協五角 劉子丹一元 田儒林二角 姚贊運三角 陳竹波一角 張漸達五角 李華堂二角 蔡納香二角 鄭蘭波五角 王樹堂一角 張慎之一角 陶令里二角 公記一角 李秉全三角 馬口口五角 趙瑞福一元 楊蘭芳二角 宋錫三一元 杜秀泉一角 劉輔廷一元 潘盡臣一角 師竹平二角 林少波一角 簷云村一角 張茂林一角 (以上四百六十八號共大洋六元小洋五元二角) 惠吉亭一元 宮幼亭四角 志誠源一元 姚桐甫四角 德昌號一元 張捷臣四角 復聚春一元 萬順和四角 閻蘭軒四角 東全居四角 張純西四角 廣豐居四角 何秀山四角 永和號一元 房仰周四角 王克臣一元 黃文質四角 立生號四角 馮幼清四角 溢源號四角 柴夢齡三角 濟源號五角 溫樹堂四角 胡驥堂四角 劉竹安四角 薄厚齋四角 益聚春一元 恒益茶店一元 (以上四百六十九號共大洋八元小洋八元)

(未完)

# 本局廣告

本局承辦印刷研究精良近益不惜重資延聘外洋著名工師添購新式機器精製雕刻銅版所有承印各種紙幣股票等件圖畫精巧色澤鮮明紙質堅緻屢蒙中外官商照顧頗如獎譽茲為推廣招徠起見自本年承印各項價格外減讓以副官商雅意如蒙賜顧請至本局賬房面議可也

## 催繳甘賑捐冊廣告

查甘賑捐冊有三百餘分未經交回同人擬再展限二十日至十月底務望一律交齊是所至盼  
官報局甘肅籌賑處謹啓

## 助柴鳴謝

啓者本堂收養孀孤年來人數增多不獨米糧用鉅而冬令燒柴尤為大宗茲承建造處陳建侯總辦惠助木柴二萬數千斤作炊爨之用黍谷回春不衣自煖似此樂善好施盡登報端用鳴謝悃  
廣仁堂公啓

## 鳴謝助款

邑紳花翎候選道李公鴻翰謹遵故父李公鍾琇遺命節省喪資以例銀三千兩捐助本堂經費業經收訖當此籌款困難承大紳善承先志慨濟多金實為好義可風同深感佩除由本堂詳請督憲奏獎外理合登報鳴謝以為樂善好施者勸  
天津廣仁堂謹啟

## 直隸高等工業學堂招生廣告

本堂分高等科及中學科凡有中學畢業或修業及高等小學畢業者自十月初一日起至十一月二十九日止來河北黃緯路本堂取閱詳章報名幸勿遲悞

## 天津南開私立第一中學堂招考新班學生

考期一在本年十二月初六日上午一在明年正月十八日下午